



ЎЗБЕКИСТОН RESPUBLIKASI НОМИДАН
ХАТМАТЛИК ҚАРОРИ

15.07.2022 йил



Форол тумани

4-1302-2201/457-сонли иш

Фориш туман иқтисодий суди раиси, судья Д.Соатов раислигида, судья ёрдамчиси С.Гайировнинг суд мажлиси котиблигида, аризачи – Бахмал туман давлат солиқ инспекциясининг, жавобгар – «ДДД» МЧЖ нинг банкдаги ҳисобварақлар бўйича операцияларни ўн кундан кўп муддатга тўхтатиб туриш тўғрисидаги аризаси бўйича ишни аризачи вакили – СССнинг иштирокида, очиқ сайёр суд мажлисида, Ғаллаорол туман Давлат солиқ инспекцияси биносида кўриб чиқиб, суд қуйидагиларни

А Н И Қ Л А Д И :

Бахмал туман давлат солиқ инспекцияси судга ариза билан мурожаат қилиб, унда жавобгар томонидан 2022 йил апрель ойи учун айланмадан олинадиган солиқ бўйича солиқ ҳисоботини 2022 йилнинг 27 июнь кунига қадар тақдим қилмаганлигини кўрсатиб солиқ тўловчининг банкдаги ҳисобварақлари бўйича операцияларини ўн кундан кўп муддатга тўхтатиб туришни сўраган.

Аризачи вакили аризани тўлиқ қаноатлантиришни сўради.

Суд мажлисида жавобгардан вакил иштирок этмади, бироқ иш ҳужжатларида унинг суд мажлиси муҳокамасининг вақти ва жойи ҳақида тегишли тартибда хабардор қилинганлигини тасдиқловчи далиллар мавжуд.

Унинг суд мажлисида иштирок этмаганлиги ишни кўришга тўсқинлик қилмайди.

Суд ишда иштирок этувчи аризачи вакилининг тушунтиришини тинглаб, иш ҳужжатларини ўрганиб чиқиб, қуйидаги асосларга кўра аризани қаноатлантиришни ва почта харажатини жавобгар зиммасига юклашни, мазкур тоифадаги низолар бўйича тарафларнинг давлат божи тўловидан озод қилинганлигини инобатга олишни лозим деб топади.

Аризада баён қилинишича, солиқ тўловчи томонидан 2022 йил апрель ойи учун айланмадан олинадиган солиқ бўйича солиқ ҳисоботи 27 июнь кунига қадар тақдим қилинмаган.

Солиқ идораси томонидан солиқ тўловчига белгиланган солиқ тури бўйича солиқ ҳисоботини тақдим қилиш юзасидан хабарнома юборилган бўлсада, солиқ тўловчи томонидан тегишли солиқ ҳисоботи белгиланган муддатларда тақдим қилинмаган.

Шундан сўнг солиқ бошқармасининг солиқ тўловчининг (солиқ агентининг) банклардаги ҳисобварақлари бўйича операцияларини ўн кунга тўхтатиб туриш бўйича қарори қабул қилинган.

Ўзбекистон Республикаси Солиқ кодексининг 82-моддасига асосан солиқ ҳисоботи солиқ тўловчи ҳисобга олинган жойдаги солиқ органига белгиланган шаклда қоғоз ёки электрон шаклда ушбу Кодексга мувофиқ солиқ ҳисоботига илова қилиниши лозим бўлган ҳужжатлар билан бирга тақдим этилади.

Солиқ кодексининг 273-моддаси талабига кўра солиқ тўловчилар, агар ушбу бобда бошқача қоида назарда тутилмаган бўлса, солиқ ҳисоботини ўзлари солиқ ҳисобида турган жойдаги солиқ органларига ўтган солиқ давридан кейинги ойнинг йигирманчи кунидан кечиктирилмаган муддатда тақдим этишлари шартлиги назарда тутилган.

Мазкур кодекснинг 111-моддаси талабига кўра солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган



муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин.

Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

Юридик шахслар ва якка тартибдаги тадбиркорларнинг банкдаги ҳисобварақлари бўйича операцияларни тўхтатиб туриши солиқ органи томонидан мазкур солиқ тўловчиларнинг (солиқ агентларининг) қўшимча мажбуриятлари бажарилишини таъминлаш учун қуйидаги ҳолларда қўлланилади:

1) ушбу солиқ тўловчи (солиқ органи томонидан солиқ органига молиявий ва (ёки) солиқ ҳисоботи бундай ҳисоботни тақдим этишнинг белгиланган муддати тугаганидан кейин ўн кун ичида тақдим этилмаганда;

2) солиқ тўловчи (солиқ агенти) томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганда, шунингдек солиқ тўловчи томонидан солиқ органи талаб қилган ҳужжатлар тақдим этилмаганда;

3) солиқ текширувини ўтказмаётган солиқ органларининг мансабдор шахсларини кўрсатилган ҳудудга ёки бинога (бундан турар жойлар мустасно) киришига тўсқинлик қилишда. Солиқ органи мансабдор шахсининг киришига тўсқинлик қилиниши унинг ўзи ва текшириладиган шахс томонидан имзоланадиган далолатнома билан расмийлаштирилади. Бундай далолатнома асосида солиқ органи банкдаги ҳисобварақлар бўйича операцияларни тўхтатиб туради;

4) солиқ тўловчининг (солиқ агентининг) ўзи кўрсатган манзилда йўқлигида.

Ўзбекистон Республикаси Иқтисодий процессуал кодексининг 68-моддасига асосан ишда иштирок этувчи ҳар бир шахс ўз талаблари ва эътирозларига асос қилиб келтираётган ҳолатларни исботлаши керак.

Аризачининг талаблари ишда тақдим қилинган ҳужжатлар ва суд муҳокамасида аниқланган ҳолатлар билан тўлиқ ўз исботини топганлиги сабабли суд аризани тўлиқ қаноатлантириб, солиқ тўловчининг банкдаги ҳисобварақлари бўйича операциялари тегишли солиқ тури бўйича солиқ ҳисоботи тақдим қилгунга қадар вақтинчалик тўхтатиб қўйишни, тарафларнинг мазкур низо тоифаси бўйича давлат божи тўловидан озод қилинганлигини инобатга олишни лозим топади.

Бинобарин, Ўзбекистон Республикаси Иқтисодий процессуал 68,128,217,221,222 ва Солиқ кодексининг 82,111,273 - моддаларини қўллаб суд,

Қ А Р О Р Қ И Л А Д И :

Ариза тўлиқ қаноатлантирилсин.

«ДДД» МЧЖ нинг банкдаги ҳисобварақлари бўйича операциялар Солиқ кодексининг 111-моддасига асосан тегишли солиқ тури бўйича солиқ ҳисоботи тақдим қилингунга қадар (ойлик иш ҳаққи ва мажбурий тўловлардан ташқари қисми) тўхтатиб турилсин.

Мазкур ҳал қилув қарорида кўрсатилган камчиликлар бартараф қилингандан сўнг солиқ тўловчининг банк ҳисобварақлари бўйича операцияларни очиқ бериш вазифаси солиқ идораси (аризачи) зиммасига юклансин.

Мазкур ҳал қилув қарори устидан ўн кунлик муддат ичида Жиззах вилоят судининг иқтисодий ишлар бўйича судлов ҳайъатига апелляция тартибида шикоят (протест) келтиришга ҳақли.

Судья

Д.Соатов

